

# Համառօտ ակնարկ

## Նոր Զուղայի Ամենափրկիչ վաճիֆի շրջափակում գտնուող տապանաքարերի վրայ

Լ. Գ. ՄԻԿԱՍԵԱՆ

Նոր Զուղայի ազգային գերեզմանատունը, չուրջ չորս հարիւր տարուայ իր անցեալով, եւ աւելի քան 50 հազար տապանաքարերով ու 288,175 քառկ. մեթր տարածութեամբ, ներկայացնում է մի բացօթեայ թանգարան :

Այսուեղ թազուած են հայ խոջաներ ու յայտնի վաճառականներ, հայ աշուղներ ու մտաւորականներ, հայ արհեստաւորներ ու արուեստաւորներ, առաջնորդներ ու հոգեւորականներ. կոյսեր ու մայրապետներ, նահատակներ, ինչպէս եւ հարիւրաւոր եւրոպացիներ, դեսպաններ ու քաղաքական գործիչներ :

Նոր Զուղայի նոր ու վաւերական պատմութիւնը գրելու համար, անհրաժեշտ է ուսումնասիրել այս տապանաքարերի արձանագրութիւնները, որոնք իրենց մէջ պահում են գարաւոր անցեալը. իսկ նրանց տակ ննջում են Նոր Զուղայի փառաւոր անցեալի պատմութիւնը կերտող յաւէտ անմոռաց անձնաւորութիւնները :

Ահա այս գարաւոր անցեալը երեւան բերելու համար, հայերից բացի, բազմաթիւ եւրոպացիներ իրենց հեռաւոր պղգակիցներին զտնելու յոյսով, փնտուառութիւններ են ելնում այս լուս ու անխօս տապանաքարերի մէջ :

Անհրաժեշտ է աւելի երկար կանգ առնել Նոր Զուղայի գերեզմանատան, կամ՝ ըստ տեղական արտայայտութեան, հանդստարանի վրայ, որ յոյս ունենք այլ անդամ առիթ կ'ունենանք: Ներկայիս մեր խօսքը վերաբերում է Նոր Զուղայի Ամենափրկիչ վանիի շրջափակում գոնուող տապանախարերին:

Բացի ազգային եւ ընդհանրական այս գերեզմանատանից, ուրի մասին նշեցինք վերեւում, Նոր Զուղայում գտնուող մէկ տասնըեակից աւելի եկեղեցիների շրջափակերում եւս կան հարիւրաւոր շիրիմներ, որոնք պատականում են եկեղեցու հիմնողներին, նրանց ազգակիցներին, կամ՝ այդ թաղում յայտնի գէմքերին, նահատակներին եւ անդամ վրացի երեւելիներին(1):

Ինչպէս գերեզմանատան, այնպէս էլ եկեղեցիների ու Ամենափրկիչ Վանքի շրջափակերում գտնուող տապանաքարերից, մասամբ օգտուել են մեր պատմաբաններն ու բանասէրները: Խոչա Նազարի եւ այլ վաճառականների տապանաքարերի տուեալներից օգտուել են Նոր Զուղայի պատմազիքի Յարութիւն Տէր Յովհանեանցը ու բանասէր Յարութիւն Քիւրտեանը: Ազուղների, երգասացների, հոգեւորականների ու այլ տապանաքարերի տուեալներից օգտուել են Արքամ Երեմեանը, տողերիս հեղինակը, ու այլ բանասէրներ:

Արհեստի ու արուեստի, եւ այլ նման կարգի տապանաքարերից չուրջ 140-ը վերաբանկարելով մանրանկարների է վերածել Արքահամ Գուրգինեանը, որոնք այսօր մաս են կազմում Նոր Զուղայի թանգարանի նկարներին:

Եկեղեցիների շրջափակում գտնուող տապանաքարերի մէջ, առանձնապէս իր կարեւոր տեղն ունի Ս. Ամենափրկիչ վանքը, որոնց մասին, ինչքան ծանօթ է մեզ, ցարդ ընդհանուր մի ուսումնասիրութիւն կատարուած չէ:

Յոյս ունեմ որ այլ առիթով հնարաւոր կը լինի անդքաղառնալ նաեւ Նոր Զուղայի միւս եկեղեցիների մէջ գտնուող տապանաքարերին, որոնք եւս իրենց հերթին ունեն պատմական եւ ազգագրական արժէք:

Ամենափրկիչ Վանքի շրջափակում ներկայիս կան 62 տապանաքարեր, որոնց մէջ առանձին կարեւորութիւն են ներկայացնում իրանա-Հնդկաստանի թեմի առաջնորդների շիրիմների արձանագրութիւնները:

1. Ամենափրկիչ, այս տապանախարերից՝ որոնք կրում են հայերէն ու վրացերէն արձանագրութիւններ, օգտուել է վրացի գիտնական Դոկտ. Մագալի Թուղթին:

Առաջնորդների տապահաքարերի, ինչպէս եւ միւսներից ուժանց արձանագրութիւնները բերուած են Նոր Զուղայի պատմութեան, ինչպէս եւ այլ մի քանի գրքերում, ու մամուլում տեղ դաշտուածներում։ Միւսները մնում են զրեթէ անծանօթ։

Տապահաքարերը, ըստ իրենց արձանագրութեանց, կարելի է բաժաննել երեք մասի։

- 1.՝ Հոգեւորականների,
- 2.՝ Աշխարհականների,
- 3.՝ Եւրոպացինների։

Այս երեք բաժիններն եւս ըստ էութեան բաժանւում են. Հոգեւորականները՝ առաջնորդների եւ միաբանների, աշխարհականներն ու Եւրոպացինները (դարձեալ աշխարհականներ)՝ կինների եւ այլերի, ինչպէս նաև՝ նահատակուածների ու սովորական մահացեալների։

Տապահաքարերը դանւում են հետեւեալ մասերում։

- 1.՝ Եկեղեցու բեմի ներքնայարկում,
- 2.՝ Եկեղեցու զաւթում՝ հիւսիսային մուտքի մօտ,
- 3.՝ Զանգակատան շրջափակում, կամ՝ եկեղեցու արհեմըտեան կողմում։

1.՝ Եկեղեցու բեմի ներքնայարկում զտնւում են երկու տապահաքարեր, որոնք պատկանում են երկու առաջնորդների։ Զուղայի առաջին տապարանի հիմնադիր Խաչատուր Կեսարացուն, եւ Վանքի տաճարը վերակառուցող Դաւիթ Եպիսկոպոսին։

2.՝ Եկեղեցու զաւթում կան տասը տապահաքարեր, որոնց ութը պատկանում են Հոգեւորականների (վեց առաջնորդ եւ երկու միաբան), իսկ երկուսը՝ ոռու հիւսիսատունների։

3.՝ Զանգակատան շրջափակում զտնւում են 50 տապահաքարեր, որոնցից 14-ը՝ Հոգեւորականների, 34-ը՝ աշխարհականների, եւ 2-ը առանց արձանագրութեան։

Բոլորի ընդհանուր պատկերն է՝ 24 Հոգեւորական (11 առաջնորդ, 10 միաբան, 3 քահանայ), 36 աշխարհական (13 եւրոպացի, 5 կին), 2 անյայտ, գումար՝ 62։

Ստորեւ բերում ենք ամբողջական ցանկը, սկսելով Եկեղեցուներսից, տապահաքարերի հերթականութեամբ, ինչպէս որ նշանակւած են յատակագծում։

1. ԵԿԵՂԵՑՈՒ ՆԵՐՍՈՒԻՄ ԳՏՆՈՒՈՂ ՏԱՊԱՆԱՔԱՐԵՐ

ԱՆՈՒՆ ԱԶԳԱՆՈՒՆ	ԾՆ. ԵԼ ԺԱՀՈՒՅԱՆ ԹՇԱԿԱՆ	ՏԱՊԱՆԱՔԱՐԻ ՀԱՎ ԱՄ.	ՊԱՀԱԾՈՅՆ
1 Խաչատրւիք Վ.րդ. Կեսարացի	1590-1646	168×36	Առաջնորդ
2 Դաւիթ Եպիսկոպոս	-1683	192×54	»

2. ԵԿԵՂԵՑՈՒ ԳԱԼԻԹՈՒԻՄ ԳՏՆՈՒՈՂ ՏԱՊԱՆԱՔԱՐԵՐ

1 Եղիշիկ Ծ. Վ.րդ. Երկարակեցեան	-1922		Հոգեւ. սպաննուած
2 Յովհաննես Արքեպ. Սուրէնեան	1787-1848	158×46	Առաջնորդ
3 Յարութիւն Արքեպիսկոպոս	1751-1810	175×54	»
4 Աստուածատրւիք Եպիսկ. Ֆարհաբադցի	-1745	173×49	»
5 Թադէոս Արքեպս. Բէզնազարեան	1795-1863	186×65	»
6 Միհայէլ Ծ. Վ.րդ. Սնկերտցի	-1805	119×50	Միհարան
7 Մովսէս Եպիսկոպոս	-1725	275×92	Առաջնորդ
8 Դաւիթ (Բ.) Եպիսկոպոս	-1728	275×92	»
9 BORIS PREDBRAGENSKY (Բորիս Ալեքսանդրովիչ Պրեօրբաժենսկի)	1870-1914	152×47	Ռուս փոխ հիւպատոս
10 ALEXANDRE DEKAVER	-1815	136×46	» » »

3. ԶԱՆԳԱԿԱՏԱՆ ՇՐՋԱՓԱԿԻ ՏԱՊԱՆԱՔԱՐԵՐ

1 Վարդան Աւ. Քհնյ. Վարդանեան	1870-1956	158×60	Քահանայ
2 Գարեգին Աւ. Քհնյ. Կիրակոսեան	1881-1946	159×70	»

3	Կարապետ Աւ. Քինյ. Թումիկեան	1868–1957	157×60	»
4	Դուկաս Քալանքար որդի Սուֆիասի *	-1835	116×55	Աշխարհական
5	Գալուց Տէր Յովհաննիսեան *	-1825	122×41	Աշխարհական Զուգայեցի
6	Մարալու դուստր Ամի Մարգսի *	-1712	182×52	» »
7	Աբրահամ Վարդապետ	-1837	146×57	Միաբան
8	Նազար Աղա Խալդարենց, որդի Խոջայ Մարհատի *	-1737	163×52	Վաճառական
9	Գրիգոր Աղա որդի Խոջայ Մինասենց Սէք Աղի *	1699–1746	190×46	
10	Սէք Աղա, որդի Խոջայ Մինասի *	-1712	204×46	
11	Ղազար (?) Վարդապետ	-1791	150×44	Միաբան
12	Կարապետ Արքեպիսկոպոս	-1853	156×41	Առաջնորդ
13	Անդրէաս Վրդ. Մարգսեան	-1855	125×42	Միաբան
14	Մկրտիչ Եղակ. Թաւրիգեցի (Ն. Զ. Թաղ.)	-1787	160(?)×62	Առաջնորդ
15	Գէորգ Վարդապետ (գրութիւնը զննուած է)	1693–1768	185×62	»
16	(Արձանագրութիւն չունի)		160×45	
17	Ռուկենց (?) Գրքինի դուստր Եւ Տիկին Զալսաքունէնց Մափար Աղի	-1677	190×56	Ժրաշան տիկին
18	Գէորգ (?) (Լեզուարան Եւ յայտնի վաճառական)			Վաճառական
19	Մարիամ Գէորգեան (քերեւս վերինի կինը)	-1710	176×41	
20	Գոլչինէ (?) Աղին (?)	-1727	100×49	

(\*) Աստղանիշ կրողները մարմար տապանաքարեր ունեն:

21	Վարդան	-1793	104×49	Վանի մառանապետ
22	JOHN TAYLOR ESQ. M.D.	-1822	147×45	Բժիշկ, մեռած Շիրազ
23	JOHN A. DRFORD *	1850-1869	66×38	
24	GEO(RGE) MALCOLM ESQ.	1805-1826	114×36	Մեռած Եազդ- Խաստում
25	CHARLES DARNLEY STUART	1805-1826	134×37	» »
26	ANDREW JUKES ESQ. *	1778-1821	169×43	Պարսից Ծոցի քաղա- քական գործակալ
27	STUART CUMMING Mc DONALD	1867-1868	88×47	
28	FRED(RIC) K W(ILLIA)M WADDELL *	1871-1871	80×46	(Միամեայ)
29	Գորգին (?) սպասաւոր Թիֆլիսեցի Խոսրով Խանի	-1823	157×56	Սպասաւոր
30	CLAUDIUS JAMES	-1821	136×44	Մեռած Շիրազ
31	MAJOR ARTHUR (ST)OCK	1776-1831	102×40	
32	JOHSTANLE YHUGHES (TELEGR.)	1843-1871	91×41	Հեռագրիչ
33	Շահնազար Յովհաննէս Թահմազեան Սւարանցի	1842-1861	122×40	Նահատակուած
34	EVELINE GORDON BRUC(E) *	1872-1873	100×46	
35	Աւետիք Կ. Զօրաքեանց	1842-1925	154×53	Հայկաբան վարժա- պետ եւ վանի ասենադպիր
36	Յաւրէ (?) Բագերցի Ոհանի որդի	-1747	58×38	Նահատակ
37	Կատան դուստր Տէր Մարգարի	-1771	83×38	


38	Ղազար Վարդապետ	-1814	$116 \times 32$	Միաբան
39	Ստեփանոս Վարդապետ Համադանեցի	-1790(?)	$130 \times 40$	»
40	Ստեփանոս Վարդապետ	-1759	$92 \times 44$	»
41	Վառվառէ Գ. Քահանեան	1845-1935	$192 \times 70$	Հիմնադիր եւ քարե- քարուհի Գէորգ Քա- հանեան դալրոցի, Ն. Զ.
42	FREDRICK KNOX HARRIS H.B.M'S*	1889-1917	$116 \times 80$	Փոխ հիւպատոս
43	CATHERINE MARY IRONSID M.D.	1872-1921	$190 \times 86$	
44	Գէորգ Եպիսկոպոս		$180 \times 48$	Միաբան
45	Յովհաննէս Եպիսկոպոս	-1817	$200 \times 54$	Առաջնորդ
46	Խոչայ Յովհաննէս Մարգար Շաւելէնց(2)	1610-1650	$200 \times 61$	Բարերար
47	Մարիանէ Զամալեանց	-1710(?)	$194 \times 42$	Զանգակատան կա- ռուցողի մայրը
48	(Անընթեռնելի)		$203 \times 50$	
49	Ռոստոմիսան Էնակոլոփեանց	1822-1843	$197 \times 79$	Նահատակուած
50	Մարգարէ որդի Դիլաֆէնց Ստեփանոսի	1675-1700	$188 \times 50$	

2. Այս տապանաւարը 1968 թուին քերուել է Ս. Յովհաննէս Շաւելէնց աւերուած եկեղեցուց:




Նկարի վերեւում մի խաչքար, որ գտնում է Խաչառուք Կեսարացու եւ Պալիբը Եպիսկոպոսի շիրիմների մօս : Ներքեւում՝ զոյզ առաջնորդների տապանաքարերը :

Մաներանկար՝ ԱԲՐԱՀԱՄ ԳՈՒՐԳԻՆԵՑՆԵՐՆ



Ա, անվի գամբակառութիւն՝ ՀՊՀ արխակի տապանաժամկերով

(Մայր տաճարի)



Վանքի հիմքեցու գալիքը

Անցեալում՝ Վանքի գլխաւոր մուտքի դիմացի բակում կային մի վրացու եւ մի քանի այլ տապանաքարեր, որոնք թերեւս բերուել էին աւերուած եկեղեցիներից եւ օգտագործուել գետինը սալայա-տակելու համար, որոնք վերջին տարիների նորոգութիւնների ժա-մանակ, մնացին իճաղիւսների տակ(3) :

Տապանաքարերի մի մասի արձանագրութիւններն ունեն բա-նաստեղծական ձեւ եւ հետաքրքիր բովանդակութիւն, որոնց բոլո-րի արձանագրութիւնները լւա կը լինէր եթէ կարողանայինք բերել այստեղ, բայց հանդէսի սուզ էջերը գրանցով զբաղեցնելը տեղին չգտնելով, այստեղ զրի ենք առնում մի քանի նմուշներ միայն, ա-ռաջնորդներին, աշխարհականներին եւ եւրոպացիներին վերաբերող տապանաքարերի արձանագրութիւններից :

### 1. ԽԱԶԱՏՈՒՐ ԿԵՍԱՐԱՑԻ

«Ի հանգստի աստ ամփոփի,  
Մաքուր մարմին վարդապետի,  
Խաչատրոյ Սրբազնի,  
Հետեւողի Տեառն Յիսուսի,  
Որ էր տեղաւ Կեսարացի.  
Դործով սուրբ հեզ եւ արի,  
Բարձեալ յուս զուծ Քրիստոսի  
Առաջնորդէ նորին հօտի,  
Երեսնամեայ այս գործ յանձնի,  
Սմա նստի յայսմ աքոնի,  
Կրէ յանձնին զվարս անմարմնի,  
Մնա մինչեւ յիսուն վեցի,  
Յաղցաւորացս նա զատի,  
Հազար Ղ (90) եւ Ե (5) քուի» :

### 2. ԴԱԻԻԹ ԱՌԱՋՆՈՐԴ

«Աստ կայ եղեալ գանձ ըդալի,  
Զնշխար ումեմն սրբազնի,

3. Սրանցից վրացերէնն ումեր հետեւեալ արձանագրութիւնը՝  
«Տապան Թլֆիզի  
Գ(ԱՍ(?) պարի որդի  
Գօրէնց Մուրատին  
Թվ. ՌՃԿԵ (1716)» :

Քաջ բարունյ Տետոն Դաւթի ,  
 Շօշ քաղաքի գլուխ արհի ,  
 Որ էր սիեալ ի սոյն գեղջի ,  
 Բնիկ ազգաւ Զուղայիցի ,  
 Առաջնորդեաց յայսմ նահանգի ,  
 Լ. (30) ամօֆ Ը (8) աւելի ,  
 ՌՃ (1100) հայոց քվի ,  
 ԼԲ (32) եւս աւելի (1683) ,  
 Յորում ամս առ Տէր փոխի ,  
 Նոյեմբերի Դ (4)»(4) :

### 3. ՎԱՌՎԱՌԵ Գ. ՔԱՆԱՆԵԱՆ

«ՇԻՐԻՄ  
 ԱԶՆՈՒԱՓԱՑԼ  
 Տ. ՎԱՌՎԱՌԵ  
 Գ. ՔԱՆԱՆԵԱՆԻ  
 ՀԻՄՆԱԴՐԻ  
 ԳԷՈՐԳ  
 ՔԱՆԱՆԵԱՆ  
 ԴՊՐՈՑԻ  
 ՆՈՐ ԶՈՒՂԱՅՈՒ  
 ՀԱՆԴ ի 23 Դեկտ .  
 1935 ԱՄԻ  
 ի ՀԱՍԱԿԻ  
 90 ԱՄԱՑ» :

### 4. Ո-ՈՍՏՈՄԽԱՆ ԷՆԱԿՈԼՈՓԵԱՆՑ

«ՀԱՆԳԻՄ  
 Պայազատ Ռոստոմիանի  
 Սամը Դովլէ Սողոմոնիանեան  
 կնակօլօփեանց  
 ի 17 Հոկտ. 1843  
 ի հասալի 21 ամաց ,

4. Նոր Զուղայի պատմագիրը, տողերի սխալ լեբերցման հետեւանքով տեղի է տուել սխալութիւնների, որը սրբազնում ենք այստեղ: (Տես՝ Յարութիւն Տէր Յովհաննեանց, Պատմութիւն Նոր Զուղայու որ յԱսպահան, Բ. հոր., Նոր Զուղա, 1881, էջ 29):

Զերմ ի հաւատ Քրիստոսի,  
Ատեաց զշուք աշխարհի,  
Արբ զմահ լեալ նահատակ,  
Թռղլով զօրինեալ յիշատակ»(5) :

### 5. JOHN TAYLOR

SACRED TO THE MEMORY OF  
JOHN TAYLOR ESQ. M.D.  
OF THE BOMBAY MEDICAL  
ESTABLISHMENT  
WHO DEPARTED THIS LIFE  
AT SHIRAZ THE 5 DEC. 1822  
AND LIES HERE IN TERRED

### 6. FREDRICK KNOX HARRIS

SACRED  
TO THE MEMORY OF  
FREDRICK KNOX HARRIS  
H.B.M.'S VICE CONSUL  
AT ISFAHAN  
BORN DECEMBER 21, 1889  
DIED APRIL 20, 1917

• • • • • • • • •  
R. I. P.

### 7. Ահետիք կ. ԶօրԱԲԵԱՆՅ


«Մահարձան  
Յիշատակի  
Պարոն  
Աւետիքի կ. Զօրաբեանց  
Հայկաբան Վարժապետին  
Եւ բագմաշխատ

5. Ունի կապտագոյն մեծ տապանաքար, որի վրայ ագուցուած է փոքր մարմար եւ վրան գրուած արձանագրութիւնը: Քարի կողքերին ունի բարձրագույն գինուորական շարքեր եւ դեմքը նուրբ շղարշով ծածկուած կնոջ եւ ճիաւոր իշխանի ու հետեւորդների գեղեցիկ բանդակներ:

Ատենադպրի Վանուցս  
Որ ի հասակի 82 ամաց  
Հանգեաւ 7 Յունվարի  
1925



Հաւատարիմ պաշտօնեայդ,  
Մայքրավանիս փրկչական,  
Զամս յիստւն նգմեցար,  
Ցերկս բոյին պաշտաման,  
Ի ծոց վանուցս ամփոփեալ,  
Մարմնոյդ անիւն երկրաւոր,  
Արժանապէս յարգեցաւ,  
Անխոնիջ վաստակդ բեղմնաւոր,  
Գորովասիրտ ծնողիդ,  
Տրտմեալ դստերքդ եւ որդիդ,  
Ողբան զիմահդ վշտալի,  
Յոյժ սիրեցեալ հայրիկիդ» :



#### 8. ԿԱԾԱՆ ՏԵՐ ՄԱՐԴԱՐԻ

«Այս է տապանս  
Տէր Մարգարի դուստր  
Կատանին  
Թվն. ՃՇԶ (1771) Ադար Ը (8)» :

Տապանաքարերից ոմանց գրութիւնը ոտքի տակ մաշուել կամ  
անձրեւի ու ձիւնի հետեւանքով կոտրտուել եւ դարձել են անըն-  
թեռնելի, նրանց արձանագրութեանց պահպանումով դէմ աշխատենք  
փրկել յաւիտենական կորուստից :

## THE TOMBSTONES IN THE COURTYARD OF NEW JULFA'S ALL-SAVIOUR MONASTERY

L.K. MINASSIAN

### (Summary)

To this day, there exist in the courtyard of New Julfa's All-Saviour monastery 62 tombstones. Of these, 24 belong to clergymen (11 prelates, 10 friars, and 3 priests), 36 belong to laymen (of which 13 are Europeans: Russian and English proconsules, politicians, doctors, etc.), and two are unknown. The inscriptions on these tombstones are interesting and helpful for the study of the history of New Julfa between the 17th and 19th centuries. Of special significance are the inscriptions on the gravestones of the prelates of the Irano-Indian diocese.

(At the end of this article, the author presents eight of those inscriptions, including the one which belongs to Khachatour Kessaratsi (1590-1646), the founder of New Julfa's first printing press).

